

STUDENT EDUCATION NUMBER



MALO O SAMOA
MATAGALUEGA O AOGA, TAALOGA MA AGANUU

Suega Aoao Tausaga 13 a Samoa

GAGANA SAMOA 2017

PEPA FESILI ma TALI

Taimi Faatulagaina: 3 itula & 10 minute

FAATONUGA

1. E 10 minute e faitau ai ae lei amata ona tusi au tali.
2. Tusi manino lau **Nuamera Aoga** i le pito i luga o le itu taumatau o le itulau lenei.
3. Tusi tali i avanoa ua saunia i totonu o lenei Pepa Fesili ma Tali.
4. Afai e manaomia nisi pepa mo au tali, fesili i le Faisuega mo ni isi pepa faaopoopo. Faapipii pepa faaopoopo i itulau talafeagai o le pepa suega.

ALAFUA MO MATAUPU AOAONA	Itulau	Taimi (min)	Togi
ALAFUA 1: VAEGA ESEESE O LE GAGANA	2	14	8
ALAFUA 2: AOAONA O LE GAGANA	3	40	22
ALAFUA 3: FAAMAUMAUGA MA FETUFAAIGA	8	50	28
ALAFUA 4: FESOOTAIGA I ALAFAASALALAU	15	43	24
ALAFUA 5: FAATINOGA O TU MA AGA A SAMOA	20	7	4
ALAFUA 5: FAAFIIFIAGA MA TAALOGA	20	26	14
AOFA'IGA		180	100

SIAKI lau pepa poo atoa uma itulau mai le 2-22.
TAUAAO LAU PEPA FESILI MA TALI I LE FAISUEGA PE A MAEA LE SUEGA.

Fa'atonuga: O fesili uma o le vāega lenei olo'o agai tonu i vāega 'ese'ese o le gagana. Tali uma nūmera o le vāega lenei i avanoa ua saunia.

1.1 *Va'ai se tama mālosi na te si'ia le pusa.*

Ta'u mai le soānauna olo'o i le fuai'upu.

Tomai Ausia 1

--

1.2 *"Fa'amolemole tamaiti, ia tatalo fa'atauana ma finau maua'i e mau ai manuia".*

Fa'ailoa mai soāveape olo'o tā'ua i le fuai'upu ma ta'u mai pe fia?

Tomai Ausia 2

--

1.3 Fa'amatala mai le uiga o le 'upu *nonō* i la ta gagana ma aumai se fa'ataitaiga.

Tomai Ausia 2

--

1.4 Fa'aōoga lou mālamalama i le gagana e fa'auma ai le tautalaga ua tūsia i ni au lava 'upu. Ia 'anoa ma logomālie i le faitau.

O la ta gagana o le fatu o lau aganu'u. O le aupega mālosi i taimi faigatā o le ōlaga, ae peitai...

Tomai Ausia 3

--

Fa'atonuga: O fesili o le vāega lenei e fa'atatau lea i le mālamalama'aga lautele o le fanau i le a'oina o le gagana.

Faitau le tala ona tali lea o nūmera 2.1-2.8.

1. O le savilivili o le **popogi o le tauafiafi**, na ou ulufia ai le maota i Faletoi. Na pei o ni **ufi e tutupu** i o'u tino lagona o le 'āiga moni, auā olo'o totō ai le alofa ma le fiafia i le fatu. E! leitioa le Isaraelu moni fai mai e sisi lona fa'amalama ma va'ai i Ierusalemā.
2. Ou te taunu'u atu, ua tumutumu le maota, o le fa'amanatuina o le 85 tausaga o le tamā o lo'u tinā, le toea'ina o Valavalatūmanu Laulelei. Ua mae'a le faigālotu, ona tu'u lea o le avanoa i le toea'ina **se'i to maia le 'anofale o le apisā**, ae sei fa'alologo ona sulī.
3. Ua tale le toea'ina ona saunoa lea;
"Ua ūtuūtu le salefu na tu'umoe, aua o le fale ma lona anoāfale. Ua sinasina lo'u ulu ma ua fa'asolo ina lata le taulaumea. Le fanau e, ua ou 'ula, ua ou titi, ua ou pale i la outou fa'aeaea. la outou manuia ma manuia a outou fanau..."
4. Ua gāsolo atu le fānau e momoli a latou meaālofa. Ua 'ou tu i luga ma sogi atu i le toea'ina ma tu'u atu iai le teutusi e \$500.00, ona ou tatala lea o le fasipepa na u'u i lo'u lima ma fa'apea atu; "Papa! O si a'u toe sa'afi lea mo 'oe. Fa'afofoga fo'i;
5. Papa! Papa!
O 'oe o le fetū tā'iala,
Na tapasā i la'u fōlauga.
Na e tosi le ālāfua,
la fa'amua le Atua.
6. Papa! Papa!
Na e 'afisi a'u i lou fatafata,
Tausi ma ū'u patapata.
Fa'apelepelega i lo'u tamameamea,
Si au fa'alepō pe a tua i fea.
7. Papa! Papa!
Na ou iloa lou titi faitama
la matala ia sega Galagala.
Ua maua si a'u galuega fa'atauva'a,
Tali lena o au talosaga.
8. Papa! Papa!
O o'u alofa'aga molipō na,
la susulu malama pea le la.
Auomanū lou aso fiafia tamā,
E itiiti a igaga, ae na ā'e i lugā.

E uma ane la'u sālāfiafiga, ua pei o le paipaki o'u loimata.

Tūsia e: Senti Fa'amau, Le Papaigalagala 2017

2.1 Fuai'upu 1: Ua savilivili le **popogi o le tauafiafi**. O le a tonu le taimi lea?

Tomai Ausia 1

2.2 Laina 1...pei o ni **ufi e tutupu**. O le a lona uiga faigofie?

Tomai Ausia 1

2.3 Palakalafa 2 ...**sei to maia le 'anofale o le apisā**.

Fa'amatala mai sau fa'auigaga faigofie o lea fa'a'upuga e pei ona fa'aāoga ai i le tala.

Tomai Ausia 2

2.4 *Palakalafa 3.* Faitau ia mālamalama ona tusi mai lea o le aotelega atoa e atagia ai lou mālamalama i lea vāega o le tala.

Tomai Ausia 2

2.8 Palakalafa 8.E itiiti le igaga, ae na ā'e i lugā.

Fa'amatala mai le igaga ma ana aga ua mafua ai leni muāgagana.

Tomai Ausia 3

2.9 Filifili le 'upu talafeagai e fa'auma ai le fuai'upu ua tusia.

Ua tatā i tua o _____ le la'i o puava.

Tomai Ausia 1

2.10 Tusi sau fuai'upu e fa'aāoga ai le *Gagana Fa'afailauga*.

Tomai Ausia 1

2.11 O le ā le uiga o le 'soagi' i la ta Gagana?

Tomai Ausia 1

Fa'atonuga: Faitau le Lauga ia mālamalama ona tali lea o nūmera 'olo'o mulimuli mai.

1. Ua pa'ia le asō, auā ua papa'a'ao lau Afioga i le agaiotupu, lau tōfā i le matua o faiva, lau tōfā Moe.
2. O le pa'ia o 'Āiga, a o le mamalu o i la'ua Matua ma Salemuliaga. O le pa'ia lea i tupu o le Itū ma To'oto'o o Vailoa.
3. Lea e susū atu la matou faiāoga, o le susū lava lea o le ali'i pule ma le 'āiga faiā'oga.
4. Lea foi e nofonofo atu le vasega nei, o le pa'ia lava lea o le laumua o Palauli i Sisifo.
5. Talofa, ua e le silasila i le 'a'ano a tamāli'i, ae ui i lea, ua 'ava māgalo i le alofa o le Atua.
6. O le asō, ua taunu'u lo matou fa'amoemoe. O le agaga fa'afetai lea i le Atua, aua e ui i so tatou mana'o, ae ana le fa'atasi le Atua, e le taunu'u, a'o la matou fa'afetai tele i lau tōfā Moe, ona o lou tamao'āiga, ua e fa'asoa auā alo ma fanau a le itūmālō. Tau ina ia pa'ū i le 'ele'ele lelei. Ia tupu ma lau ūsiūsi ma fua tele mai, ma matou te manatua ai pea 'oe.
7. Ia fa'amanuia le Atua i lau tāleni ma au galuega uma o le a feagai ai.
8. O 'upu i Taeao, o le a ta'alolo, a o le Taeao sili lenei ua maua ai lo tatou tufa'aga.
9. O ou pa'ia ma mamalu e tūmau. O pa'ia lava e le popo ae o'o i le fa'avavau.
10. Se taimi o le a tatala le filiali'i ma tu'uama le fua, vaelua e le Atua so tatou manuia.
11. Mamao ni lagi fa'atafa i lau Afioga a le Agaiotupu. Ia manuia lau tōfā ma ia fa'atasi atu le agaga o le Atua.
12. Ia alofa foi le Atua i le ali'i pule, faiā'oga ma le laumua. Manuia ali'i ma tama'ita'i o la matou vasega, ae fa'auma atu a matou 'upu. O lou pasese fa'atauva'a lea, na'o le \$20.00.

**Si'itia mai le: Gagana Sāmoa Tausaga 13, Tusi 2 itūlau 76.
Teuteuina e le na tapenaina le Su'ega.**

3.1 O le a le *itū'āiga lauga* olo'o iai le lauga ua tūsia i luga?

Tomai Ausia 1

O le vāega lenei o le su'ega ua fa'apitoa mo le Gagana Fa'amauina, Tala Moni, Tala Pupu'u ma Tala Fatu.
Na o tala ua fa'amauina i le Ta'iala Tausaga 13 e fa'aōoga mo le vāega lenei o le su'ega.

Filifili se Tala Moni, Tala Pupu'u ma Tala Fatu sa su'esu'eina i la outou vasega.

3.6 O le a le igoa o le tala?

Tomai Ausia 1

--

3.7 O le a le igoa o le tusi o fa'amau ai?

Tomai Ausia 1

--

3.8 O ai le igoa atoa o le tusitala?

Tomai Ausia 1

--

3.9 Fa'amālamalama ma fa'ailoa mai le taunu'uga o le tala ma ta'u mai pe o se taunu'uga lelei po'o se taunu'uga lē lelei.

Tomai Ausia 3

--

**Fa'atonuga: Faitau le tautalaga ia mālamalama ona tali lea o Nūmera 4.1-4.8.
Tusi lelei au tali i avanoa ua saunia.**

1. O lea ua ifo i tafa'ilagi le lānea i sisifo. **Ua sopolagi ai nei le soliga** ina ua taumua lelei le Matāutu i atumauga o Manu'a. Ua moe afutia atumauga o Tutuila, ua liligo atumauga o Tūmua, a o se i'a e moe atumauga o Salāfai. Ou te tu lili'a ai nei i le tō, ae maniti ou tino i pisaga, e pei o le 'upu i Ātua, auā ua paū le Malumalu tapua'i o le Atua.
2. O lea ua tulolo la'au o le vao ma ua silamiō le maota nai Salea'aumua, auā ua ē'e ma papa'a'ao le Susuga i le Fa'afeagaiga ma le Faletua fa'apea le mamalu o le Ekalesia i ona tūlaga fa'alupe.
3. O le a fa'apito manū ia Tasi se leo fa'atauva'a o le 'au'auna e to atu ai so outou igaga auā se 'upu fautua, tīma'i, lu'itau e tapasā ai le folauga a le fanau, a o sauni atu i le taua o mafaufauga auā le faiva o le potosalalau.
4. Le fanau e, ua lutia i tatou i le saosasoa o suiga fou o le olaga, ua fa'amanu poia i ōfaga ai lo outou ola a'oa'oina. O le tagi a le pumate ma 'ou valuvalusia a'a o le fau. **O si ugāpēpē e lolo i le agi a le matagi.** Ia tautuana ma outou le ā'oga. O le tama poto e fiafia ai le tamā, a o le tama valea e fa'anoanoa ai le tinā.
5. O lea foi e fa'amanatu mai se tasi o filosofia a Sāmoa **"O le tapenaga sili mo taeao ā'ena, o lou lava saunia lea ia lelei le asō"**. O lau tapenaga sili lea ma lau meaalofa sili lea mo lou 'āiga, ou matua, lo tatou Ekalesia ma lo tatou nu'u ia iu manuia lau ā'oga.
6. A alu alu suaga o le va'atele laulusasa'a lo outou faiva, ia afe ni peau matamataloloa i le fa'amoemoe o le asō.
7. O outou māmā na. O manū na. Ia manuia le alo atu o outou le fanau i le amataga o a'oa'oga i lenei tausaga.

Saunia: Tiakono Togaga'e Iakopo Falaniko, EFKS Siusega, Fepuari 2017

4.1 Laina 1: **'Ua ifo i tafa'ilagi le lanea i sisifo.'**

O le a le lanea?

Tomai Ausia 1

4.2 Laina 2: ***'Ua sopolagi ai nei le soliga.'***

Fa'amatala mai le uiga faigofie o lea alagā'upu o fa'aāoga ai i le tala.

Tomai Ausia 2

--

4.3 Palakalafa 2: ***'O lea ua tulolo la'au o le vao.'***

O le a se isi fa'a'upuga e sui ai le fa'a'upuga lea?

Tomai Ausia 1

--

4.4 Palakalafa 3: ***'O le a fa'apito manū ia Tasi.'***

O se alagā'upu pe o se muagagana?

Tomai Ausia 1

--

4.5 Palakalafa 4: ***'O si ugāpēpē e lolo i le agi a le matagi.'***

O le a le ***ugāpēpē***?

Tomai Ausia 1

--

4.13 O le a le *fatua'i* i le vaogagana o le falelalaga a Samoa?

Tomai Ausia 1

4.14 A tusi sau faitioga e ave i le nusipepa o le Samoa Observer, o le a tonu le vāega o le nusipepa e lōmia ai?

Tomai Ausia 1

4.15 Tusi sau fa'asalalauga e ave i le TV mo le fa'amanatuina o le aso fanau o lou tamā. Ia aofia i lau fa'asalalauga le polokalame o le aso.

Tomai Ausia 4

Fa’atonuga: Tali uma fesili o mulimuli mai.

5.1 Fa’ailoa mai le ‘Āiga Pa’ia o Samoa.

Tomai Ausia 1

5.2 Fa’amalāmalama lelei mai po’o ai tagata e ave iai vāega nei o le pua’a pe a lufilufi; ***tualā, ālagavae, ti’a o le manu.***

Tomai Ausia 3

Fa’atonuga: Tali uma fesili o le vāega lenei.

6.1 O le a le ta’aloga a Samoa na ta’a’alo ai Lilomaiava ma Tuitele i Leone na mafua ai le ***Mavaega nai le Motu o Salaia?***

Tomai Ausia 1

6.2 Fa’amālamalama mai vaogagana nei, ***polo mamao ma le se’e*** ma fa’ailoa mai le ta’aloga e mafua ai.

Tomai Ausia 3

6.3 Ta'u mai le **ta'alog**a na fai e Pulelei'ite ma Malietoa i Savai'i na mafua ai ona ifo le aso o Malietoa.

Tomai Ausia 1

6.4 Fa'amatala mai vaogagana o le ta'alog a ua ta'ua; **O le fusiga ma le fisiga.**

Tomai Ausia 2

6.5 Ua potopoto la outou vasega ona tōfia lea o oe e le faiā'oga e fai sau tautalaga (semina) e uiga i fa'afiafiaga a Samoa ua ta'ua o le **Faleaitu.**

Tusi lelei mai lau tautalaga o le a fai ma fa'ailoa mai ni isi logologoa o Samoa i lea fa'afiafiaga.

Tomai Ausia 4

